

**TRUTH
CENTERED
TRANSFORMATION**

MODULE 3



**KUNZWISISA CHOKWADI CHAMWARI
NEKUONA MANYEPO ASATAN**

BHUKU REMUDZIDZI

Chidzidzo Chekutanga: Mirairo YaMWari

Verenga Deut. 30:11-20.

- Mwari anotsanangura sei mirairo yake? Yakaoma here kana kuti iri nyore?
- Muvhesi yegumi neshanu (15) ndedzipi sarudzo dzatinadzo? Iwe ungada ipi?
- Chii chinounza upenyu nemakomborero? (v.15-16)
- Chii chinounza rufu nekutukwa? (v.17-18)
- Mwari anoda kuti tisarudze chii? (v.19)

Verenga Deut. 28:1-14.

- Chii chinoitika takateerera mirairo yaMWari?
- Izvi zvivimbiso zveupenyu hwekunge tafa here kana kuti hupenyu hwepano panyika?

Verenga Deut. 28:15-19.

- Chii chinoitika apo tisingateerere mirairo yaMWari?

Verenga 2 Chronicles 7:14.

- Vanhu ve2 Chronicles vakashandisa nzira dzipi kuswera kuna Mwari?
- Mwari akaita sei apo vanhu vakaswera kwaari?
- KuFiji, vanhu vakatanga kuteerera Mwari nenzira dzipi?
- Mwari akakomborera vanhu veFiji nenzira dzipi?

Dzamisira Ndangariro

Tora nguva kufunga pamusoro pezvinhu izvi.

- Uri pachinhanho chipi mukuita zvinhu izvi muhupenyu hwako?
- Ndezvipi zvimwe zvaungachinja maitiro?

Chidzidzo Chechitatu: Tinogona kuunza Shanduko

Verenga Luke 7:11-17

Zvinhu zvisere zvatingadzidza munyaya iyi pamunhu anounza shanduko.

1. **Jesu akamuona.** Maive nevanhu vakawanda muchauka. Vadzidzi vaJesu vaifara nemunana wavainge vachangobva kuona . Nyangwe zvakadaro, Jesu akaona mukadzi uyu mukati mechaunga. Kana tiri vanhu vachauka shanduko tinofanika kuva vanhu vanotarisa vamwe. Tinofanika kuona dungamunhu, kwete haunga chete.
2. **“Moyo wake wakaenda kwaari.”** Kana tichida kuunza shanduko, tinofanika kunzwa tsitsi. Tinofanika kuva vanhu vane moyo inoputsika apo tinoona zvingange zvichidiwa nevamwe. Nguva zhinji tinomira kuona uye tomira kuva nehanya. Tinoita sei takaona ane zvaanoda kana zvakashota paari munharaunda dzedu? Tinoita sei takaona amai vasiirwa mhuri iye murume atiza zvake, kana harahwa yasiwa ichichengeta twuvana twudiki? Tinonzwa tsitsi here? Kumbira Mwari akwedzere rudo panharaunda yako. Mukumbire kuti akuratidze vanhu munharaunda semaonero aanovaita iye Mwari.
3. **Akamupa manzwi ekurudziro .** Nguva zhinji vanhu vanoda anovaridza rudo nekukurudzira. Zviri nyore kufunga kuti tinoda zvinhu kuti tinyatsobatsira vanhu asi nguva zhinji avo vanoda rubatsiro vanongoda munhu achafamba navo nekuvakurudzira.
4. **Jesu akabata kofini.** Pakaita Jesu izvi akaita zvaisadiwa pamagariro erudzi rwekwake. MaJudah aibvumira kuti haufanike kubata kofini nyangwe zvadii, nokuti ukaita izvi hausisina kuchena. Jesu aida kuva munhu akasviba kuti abatsire munhu. Tinofanika kutora nhanho dzine njodzi uye dzinosvibisa kuti tibatsire vanhu. Vanhuvanogona kutaura nezvedu kana kusabvumirana nesu asi tinofanika kuita izvo Mwari akatidanira kuti tiite.
5. **Mune samba mushoko raMwari nemukunamata.** Jesu paakanamata munhu akamutswa kubva kavafi. Haikona kukanganwa kunamata pazvinhu zvole zvaungatarisana nazvo. Tora nguva kunamatira vanhu. Ita izvi uchivimba kuti Mwari anoshandura mamiriro ezvinhu uye kuti ane hanya nezvingadiwa zvole nemunhu. Dzidzisa vanhu kunamata kuti vagoziva samba raMwari.
6. **Pakava nemhinduro.** Mwanakomana akamutswa kubva kuvafi. Tinofanika kuva nepundutso kubva pabasa redu. Kana uchida kubatsira, tanga nezvinhu zvidiki zvingaitika nyore. Kana wabudirira, vanhu vanobva vafara vobva vadawo kuita basa. Pekupedzisira munozokwanisa kuita mabasa akati womeyi.
7. **Jesu akadzorera mwana kuna amai vake.** Amai ndivo vakava gamba; ndivo vakataura zvole. Akava munhu akakosha. Paunobatsira vanhu, tinofanika kunyatsoona kuti hatitore humbimbindoga tova tisu takatariswa; kwete. Rega munhu wawabatsira awane umhare apo vanoudza vamwe nyaya dzaitika. Zvinovapa udzamu pane kuti iwe utore mbiri yose.
8. **Mwari akakudzwa.** Pekupedzesera, mbiri yose ngayiende kuna Mwari. Nguva dzose wona kuti panopera zvinhu zvole Mwari ndivo vari kurumbidzwa.

Chidzidzo chechina: Zvidzidzo zveBhaibheri kubva kunaMateo

Verenga Mateo 25:14-30

Mavhesi 16-18

- Varanda vakaita sei nematarenda avo?
- Ungazvifananidze here nevararanda ava vakashandisa matarenda kana avo vakahwandisa materanda avo?

Mavhesi 19-23

- What did the master do when he returned?
- Akati chii kune avo vange vavandudza hupfumi hwavo?

Mavhesi 24-28

- Dambudziko remuranda akahwandisa tarenda rake raiva chii?
- Ishe wavaranda akati chii kwaari?
- Mukufunga kwako sei vanhu vazhinji vasingashandise matarenda avo?
- Tingaita sei?

Chidzidzo Chechishanu: Tingakunde sei Zvipomero Zvedu

Zvipomero zvozivikanwa

Munhu akwegura “Oh, dai ndanga ndichiri wechidiki. Ipapo ndaizova nesimba rekushandira Ishe nematarenda angu. Zvino ndakwegura chose uye ndaneta.”

Munhu wechidiki “Oh, dai ndange ndakura. Zvino ndaizova nesimba rekushandura zvinhu uye ndaizotungamirira vanhu nematarenda angu kuti vashandire Mwari. Zvakaoma parizvino nekuti ndichiri wechidiki zvakananyanya.”

Muzvinabhuzimusi “Oh, dai ndaiva nenguva. Ndakanyanyobatikana kubasa zvekuti handina nguva yekubatsira vamwe.”

Munhu asina kudzidza “Oh, dai ndainge ndakafunda. Hapana kana chandoziva pazvidzidzo zvebhaibheri.

Mufundisi chete ndiye angakwanise kubatsira vamwe nekuti akaita zvidzidzo zveBhaibherei akazvifundira.”

Munhu murombo “Oh, dai ndaiva nemari yakawandy. Apa ndaizoshandira Mwari. Parizvino ndine hurombe hwakanyanya kuti ndikwanise kubatsira mumwe munhu kunze kwekuzvitarisa chete.”

Hurukuro Muboka Duku

- Ndechipi chipomero chawakamboshandisa?
- Ndechipi chipomero chaunowanonzwa vamwe vachishandisa muchechi menyu?
- Ndechipi chipomero chakashandiswa nemuranda wekuhwandisa tarenda?
- Chipomero ichi chakagamuchirika here kuna Ishe wavaranda?
- Unofunga here kuti zvipomero zvinogamuchirika kuna Mwari?
- Tingaite sei kuti tikunde zvipomero izvi?